

Lo galerian.

Ausissi amont lo gau
Que canta sus lo teule
Adieu patron Sigau
Lo brandi de Sant-Eume,

Lo gau o non lo gau
Fasèm coma se l'èra,
Lan-lira, lan lèra,
E vòga la galèra.

Ausissi lo siblet
Dau mestre d'equipatge
Adieu lo risolet
Dei filhas dau rivatge,

Siblet o non siblet
Fasèm coma se l'èra,
Lan-lira, l'an lèra,
E vòga la galèra.

lèu vesi Garlaban
Emai la Santa Bauma
Cal metre pè suls bancs
La Magdalena embauma,

S'aquò's pas Garlaban
Fasèm coma se l'èra
Lan-lira, lan-lèra,
E vòga la galèra.

lèu vesi au mirador
Marion tota esmòuguda
Eme son mocador
Nos fa lo benvenguda.

S'es pas lo mirador
Fasèm coma se l'èra
Lan-lira, lan-lèra
E vòga la galèra.

Frederic Mistral.